

商君书解诂定本

國立中山大學叢書

朱師轍先生著

商君書解詁定本

王星拱署



中華民國三十七年一月初版

國立中山大學叢書

商君書解詁定本

著作者 黟縣朱師轍少濱

發行者 國立中山大學出版組

版權
所有
不准
翻印

印刷者

蔚

興

印

刷

場

廣州教育路十六號

電話一六七一號

商君書解詁定本序

商君之治秦也覈憲度嚴賞罰連什伍顯耕戰行法十年野無盜賊家給人足國以富強民乃大悅是其佐嬴秦建國已開法治先聲豈可以後世慘刻之論儕之刀筆吏而加醜詆哉丙戌之歲復員伊始星拱承乏中山大學廣延師儒務闡發先民之精奧與

國父遺教相印證本校教授朱少濱先生三代傳經精於訓詁校勘之學治商君書甚久通以故訓正其違失可與孫仲容墨子閒詁媲美不獨爲商君之功臣且爲研法治者有所借鑑當茲建國行憲之始爲政者能師其意而去其泰起衰振懦庶幾有助於憲政之完成乎其書曾初印於滬再印於蜀今以積年之檢討增刪勒成定本因要其重付印行列爲中山大學叢書以期海內志士知所興起云

中華民國三十七年一月古浣王星拱撫五序于廣州梅花村

商君書解詁定本自序

余弱冠喜讀先秦諸子每讀一種終篇必作書後攷證流別李梅庵師索觀爲遺失清季甲午庚子事變後朝野競言變法廣設學校姚仲實先生教授安徽高等學堂選商子更法篇爲講義篇中有郭偃之法一語不知郭偃何時人徧詢名宿未得出處值余應安徽提學使沈子培先生之招赴皖訪之姚先生舉以相質荅見國語韓非子乞代檢查余檢晉語韋昭注謂卜偃爲晉掌卜大夫郭偃韓非子南面篇亦有郭偃毋更晉之文示之渠驚喜歎服竊以商君變封建爲郡縣而主法治兼修農戰實爲當今之要務然其書舊無治之者始有志校注後先君教授上江公學亦選墾令篇講授間爲之注余乃取嚴萬里本復以各本校之發見妄改甚衆遂仿孫氏墨子間詁例而爲解詁至民國初元遊北京段圖書館及友人書復加考證校注略備民國十年故友胡子樸安見之携上海付廣益書局印行是爲初印本時余典國務院秘書廳圖書有楊守氏

敬觀海堂藏書及清方略館資政院各圖籍都數十萬卷又余秉筆清史館館中藏書亦數十萬卷而故宮博物院北平圖書館亦可段觀後復漫游南北所獲愈衆簡端書滿益以另紙簽注乙亥教授華西大學程芝軒主任請講商君書舊本難購乃重爲付印倉卒未能將稿重編僅稍加增補訂譌而已是爲華西再版排印本比初印較勝蘆溝事變後二年因病重回燕都養病謝客尋繹增補日必編寫積二年寫完四卷旋以教書輔仁中國二大學稍輟業兩校再開商子課程隨時仍有增訂甲申暑假發憤將卷五寫畢繼再補輯附錄遂爲定本計余治商君書始於丁未終於丁亥都四十年與倭事相終始今雖幸獲戰勝而內亂未已法治未立民無所措其手足能無唏乎夫商君變法彊秦廢封建改郡縣中國統一之基成於商君而其要則在法治法貴上下共守至公無私故能著其效是其治國精神實有不可廢者今秋來粵中山大學講學王撫五校長睹余書而善之以其有補於行憲爲列入中山大學叢書又得孔肖

雲主任力贊其成始克集事世亂如斯是非諸君子提倡學術以爲世範曷能臻此詩曰風雨如晦雞鳴不已固當爲諸君子誦之而余尤當感謝永矢弗諼者也民國三十六年十二月三十日東華舊史黟縣朱師轍舊籍隸吳縣書於廣州石碑中山大學宿舍遼河路二十八號時年六十有九

初印本自序

漢書藝文志法家商君二十九篇班固自注名鞅姬姓衛後也相秦孝公有列傳師鞅按漢志兵權謀又有公孫鞅二十七篇蓋商君專言兵者今人有謂同爲一書非也諸葛亮集

始稱爲商君書諸葛亮集先主遺詔敕後主曰讀漢書禮記閑暇歷觀諸子及六韜商君書益人意知隋唐書經籍志俱云商君書五卷新唐

書藝文志商君書五卷商鞅譔或作商子商子之稱始此四庫全書總目提要謂稱商子自隋志始誤鄭樵通

志仍稱商君書晁公武讀書記則稱商子以後諸家俱稱商子嚴萬里校本始復改題商君書卷數同俱云漢志二十

九篇今亡三篇師鞅按唐魏徵羣書治要引商君子修權篇前有六法篇宋本已無此篇知唐時商君書尚完全諱篇亡失當在唐末五季之亂矣陳振孫書錄解題雜家類漢志以下俱列

法家解題通考宋史改列雜家商子五卷漢志二十九篇今二十八篇又亡其一鄭晁二家在陳氏前

俱言已亡三篇而陳本反多一篇豈所見之本不同歟抑別有錯誤歟師鞅按陳氏云二十八篇疑二

十六篇之譌亡一篇當指第二十一篇其目亦亡而言獨絲眇閤本作禦盜第二十一有目今所傳本目凡二十有六而有目無書者二篇刑約第十六篇亡第七十一篇

並目亦亡矣絲眇閤本雖有禦盜之目而篇亦亡實二十四篇據嚴萬里叙目所言元本已亡第十則又非宋本之舊矣商君以法家

而兼兵農其治國嚴刑法重墾耕尙戰伐秦國富彊六世而并諸侯皆商君之

教也劉向新序論稱商君極身無二慮盡公不顧私使內急耕織之業以富國

外重戰伐之賞以勸戎士法令必行內不阿貴寵外不偏疏遠是以令行而禁止法出而姦息故雖書云無偏無黨詩云周道如砥其直如矢司馬法之勵戎士周后稷之勸農業無以易此

今本新序無此文
史記集解引

信乎其言也然則商鞅治國之經法

治成效固有國者所不能廢也蒙所不於慊鞅者毀孝弟棄誠信而已若能懲其失而去其疵則其術實足以致治諸葛治蜀實行鞅術至德要道弗踣後世稱焉學者不察徒以子長譏其刻薄寡恩更生詆其無信遂屏其學輟而弗治其學不顯此一因也兩漢以降人主段崇儒之名行專制之實治理罔遵法度誅賞率由好惡蕩決藩籬弁髦憲典矣而鞅之言曰有道之國治不聽君民不從官蓋其立法之旨實君民同納於軌物上下胥以法律爲衡非獨官吏弗能行其私人主亦弗得肆其志是以專恣桀君驕奢裔胄豐祿貴卿貪賤蠹吏莫不疾法律如寇讎而痛詆鞅學才知之士思爲世用遂亦莫敢昌言治其學其學不顯此又一因也然有國家則不能無法治故言治者莫能廢其學竊其實

遺其名商君書流傳至今而不廢者以此終莫肯爲之注者亦以此悲夫

歸有光諸子案函僅

錄學令農戰算地開塞律民五篇間有解釋是否舊注其能明也然其書亦甚淺陋

君已倡於二千年前數典忘祖得無僨乎師輟不揣譾陋爰取斯書重爲董理

以貢當世想亦謀國君子所樂睹也惟其書流傳代淹舛誤滋甚清嚴萬里雖

爲校正稍稍可讀然注尙闕如明代各校本皆不逮嚴氏之精蒙因以其本爲

主

嚴萬里所校全文附錄注下加嚴校以別之

而以俞樾諸子平議孫詒讓札迯所校參綜攷讀疑滯尙衆復

取明吳勉學程榮諸家刊本

師轍按商子鈔刊本嚴氏所見有元刻本泰四麟本范欽本簪校本俞氏所見有鄭案本孫星衍本施氏先泰諸子本孫氏所見有嚴萬里校刊本孫星衍校刊本錢熙祚校刊本傳錄嚴可均校本以

上諸本間有余所未見者余所見商子本又有爲諸家所未見者如明吳勉學校刊二十子本縣鈔間本程榮漢魏叢書本嘉靖己未馮觀評校本清四庫鈔本朱尉然刊本孫氏間經堂刊本崇文局本此外明歸有光諸子案函本陳仁錫諸子奇賞案編本則僅錄商子數篇非全文也

及意

林羣書治要太平御覽等書所引稽其同異正其謬誤孳有年增訂孔多謹

依經誼字例博采古籍爲之注釋訓詁多折衷於先大父說文通訓定聲壘令

一篇家君舊有詮釋謹載於篇又復綴輯異文釐爲附錄二卷刊諸編末校讎

既竣題曰商君書解詁昔何邵公注公羊以解詁命名蓋謂判其滯結通其指

義間嘗竊取用題斯編摻拔簞以清塵導來學夫先路當世君子有匡糾其謬者尤私幸焉民國五年吳縣朱師轍敘

初印本胡序

商君衛之諸庶孽公子也少好刑名之學因政治之閱歷加以學術之研究雖在少年已能自成條理故公叔痤賢之衛不能用相秦以強其國秦之所以能兼并六國者皆商君變法之功當戰國時策士縱橫諸侯爭戰人民不得休息國家時虞危亡士之抱一藝者皆思出其術以易天下商君綜核名實喜決斷尙嚴峻重秩序尊約束見策士以游說之口顛倒是非徒爲爭戰之媒不能收富強之效於是主尙樸之說而棄文又以干戈旣起兵連禍結靡有已時思有以弭之斷非空言可以濟事惟有以大力壓之使好戰者屈服於大力之下所謂殺以止殺是也於是主尙力之說而重武此農戰之說所由起也農戰雖爲致富強之術而所以使民能農戰者必有一強有力之政府以督責之此強有力政府之組織又必以法律爲根據法立而分定君尊臣卑上逸下勞遂成爲法律上之條件所以人民各服其職惟君主之命令是從或有不從者卽當以

嚴刑隨其後嚴刑並非以虐民君主統治人民應有率人民守法之責任率人民以守法與其賞之厚不如罰之必蓋知識低淺之人民無道德之觀念無法律之思想惟有以刑威之始能整齊嚴肅一而可用就商君之學說而求其條理以法爲體以刑爲用以農戰爲目的君主守法以用刑嚴刑以督民則農戰之事可以如身之使臂臂之使指其務農也算地以定墾地有餘而民不足則徠民以墾之然後重粟菽輕末技以盡力農之利其務戰也壹言以教練之明賞罰以驅策之然後尊公鬪賤游說以作能戰之氣使民非農無事非戰無功農戰爲富強之本明法嚴刑又爲農戰之本商君學說之一貫者此也綜觀商君學說有叔作之精神言今不言古言人不言天言刑法不言仁義言武力不言文教盡舉舊有之道德而排斥之以個人之善惡無足輕重惟人民對於國家有服從之義務國家對於人民有無上之權威以此之故所以務在嚴刑以臨民此固由於商君天資之刻薄抑學說之結果必至於如是也特是國家與

君主不分刑罰太峻君權必尊極其流弊法律將失效力以君主之意思強制人民之必從造成君主專制之政治此商君學說之弊一商君提倡人民尙樸尙力之習慣而以農戰爲要務不思啓發人民之知識惟愚以民求易使剝人權太甚亦不合進化之公理養成人民椎魯之風俗此商君學說之弊二要之商君學說在戰國時能樹一幟取效于當時蓋已確然見國家之治在於法權信三者法爲國家之威權爲君主之柄信爲社會之裁制使商君本此三者不以犬馬策之不以嚴酷求之當早已成一法治國之模範惜乎戰國之時權君方肆蚩蚩之民又不知有學問之事時會所趨無可爲何非商君一人之罪也商君一書治者頗鮮其中於誹謗幾二千年無人求其學說之條貫爲之疏通而說明者良由其書讀之不易也友人吳縣朱少濱治商君書既卒業爲之解詁精確詳核商君書始可讀余更就其本書演繹其誼貫通其旨制爲此篇非以序少濱之解詁聊爲治商君書者之一助云爾涇縣胡韞玉樸安序

初印本尹序

治先秦諸子書者當采諦十事通訓詁一也定句度二也徵故實三也斟異同四也訂羨奪五也辨聲段六也正錯悞七也援旁證八也輯逸文九也稽篇目十也十者闕一不足成學蓋周秦文籍年代曠遠中更篆籀之變遷簡冊之舛質晉唐之俗書宋元之羣竄自非參互博稽深研精勘論詞例字例之條流達文身句身之品式不逞凡武斷詭更正文不擣掇野言皮傳孤證未易穿通結闕妙達神情也漢世都水別錄卽肇舉僞文之例高誘注呂覽淮南王書類以聲音訓詁解沿及至晉唐東晉王邵顏籀之倫益蔚然四起宋明儒者鑽研心性其于故書雅記未遑理董清代文學復古校讎之業遠邁前禩其間高郵王氏父子邽爲精博晚有瑞安孫詒讓實能方物而餘杭章先承其師俞樾之學兼廣其術于孫氏渥衍滂沛巍然爲東南大師焉字內通人孔多未得奉手里閨所接有劉師蒼張侯師培申叔兄弟紹承家學多所撰著不幸物故其業未

竟平生師友吳越間則淳安邵瑞彭次公杭縣馬敘倫夷初涇縣胡韞玉朴安歙縣洪汝怡棣臣皆湛深經術能廣高郵之樸學者也而同門吳縣朱師轍少濱者尤嫻純遠絕時欲摩掖諸子少濱爲允倩先生之孫吾師仲我先生之子三世經學與吾鄉劉氏相擬近成商君書解詁探噴索隱冰解的破信可謂修學好古實事求是者矣曩在秣陵侍仲我先生之末席獲聞漢唐以來校讎家之通例常與少濱相逕復嗣从遊樅陽益以探討流略謚正文字爲務猥以瀟沓謬辱師門眷顧嘗以管子解故相諉誣憚其奧博未敢着筆比浪游南北學植淩荒今少濱成書哀然對之令人慚悸商君書文質字古在昔號爲難治二千年來罕聞擁篲今幸補苴罅漏開塞啓明俾尙古之籍怡然理順豈非天下學人之大幸邪繙帙尋繹嘆莫能加因舉清儒以小學治諸子之家法及並世友生之成業覬與少濱共楊權焉儀徵尹炎武碩公

